

tur; & mortis periculum præstò sit: vel quod in loco pestilenti versentur: vel diuturnum & periculosum iter sint suscepturi, aut in longinquas oras migraturi, ut ibi perpetuò maneant. Vide Berlich. *lib. 1. concl. 46. numer. 7. 8. 9. & seqq. & numer. 36. fol. 275. 278.* Confer Hartman. *Pistor. part. 1. quest. 39. num. 15. & seqq. p. 295.* Et Carpzov. *part. 1. Const. 16. defin. 35. Jurispr. forens.*

ARTIC. LXVIII.

De falsis testibus.

Von falschen Zeugen.

Wo Zeugen erfunden und überwunden werden/ die durch falsche böshafftige Zeugschafft jemand zu peinlicher Straff unschuldig bringen / oder zu bringen unterstünden / die haben die Straff verwircket / in welche sie den Unschuldigen / als obstehet / haben bezeugen wollen.

AD ARTIC. LXVIII.

ARGUMENTUM.

Testes falsi, qui falso suo testimonio innocentem ad pœnam criminalem pertrahere saltem conati fuerunt, eandem pœnam jure talionis sustinere debent, quam reapse subiturus fuisset accusatus, si is de crimine, quod falsis testimoniis ipsi voluerunt comprobare, revera fuisset convictus.

EXEGESIS.

Duo hic sunt observanda. 1. *Constitutio*: Sic enim exprimit Nicolaus Vigelius *ad const. 1. Carolin. c. 10. reg. 1. p. 322.* Falsum testimonium punitur eadem pœnâ, quâ is puniendus fuisset, contra quem falsum testimonium allatum est, si is verè de crimine fuisset convictus, Vide *art. 107. circa finem.* Huc pertinet *l. 16. ff. de Testibus l. 9. §. 3. ad l. Cornel. de falsis. c. Nihilominus. 3. quest. 9. c. ult. §. qui falso. 4. quest. 2.*

2. *Ratio Constitutionis est* quia secundum naturam æquum est & justum, ut quod quisque juris in alium statuerit, eodem & ipse utatur: quæ

quæ